

Enformaziuns y Comunicaziuns



Laûrs: Desco encündé dan val' edemes, messarál gní fat de maius laûrs pla cortina vedla. Düc i familiars dles porsones mortes y sopolides te cortina vedla é bel enviês a na encuntada, en lönesc ai 14 de merz ales 20:00, te salf dla Ploania. Enló gnarál dé dotes les enformaziuns y al sará ince la poscibilité da fá domandes.

Les Staziuns: Šên de Carsëma orunse endô perié Les Staziuns, jí deboriada con Gejú le tru dla Crusc, che i odun ciamó aldédancö te tan de situaziuns fora por le monn. Les Staziuns gnará periades **vigne dedemesaledema, vëndres y domëgna ales 18:00**. La comunité é bel enviada da to pert.

Oraziun por la Pêsc: Nia dalunc da nos él rot fora na vera, co ne se lascia nia sté saorí. Te trec d'atri posé él belo dio veres, de chères che an alda püch y nia. An vëiga tres endô che la Pêsc ne vën nia da sora, che al é emportant da se dé da fá vigne dé por la Pêsc. I orun nes afidé tles mans de Chël Bel Dio te cösta situaziun prigorosa. Sot al motto „**10 minuc por la Pêsc**“ sarál šên de Carsëma **vigne jöbia dales 18:00 ales 18:10 en momont de oraziun por la Pêsc te dlijia**. Enviês é düc canc - gragn y picí, families, jont de tomp. I orun perié por la Pêsc de düc i popui, recordenn ince les atres poscibilités de oraziun ia por l'edema: la Corona dla domëgna dan la Gran Mëssa y dal dedölönesc ales 19:30, Les Staziuns desco scrit dessora y sambën les Santes Mësses.

Dé mondial de oraziun: Le vëndres ai 4 de merz él gnü recordé le Dé Mondial de Oraziun dles Ères. La Uniun dles Ères d'Al Plan ô ince perié por cösta intenziun, plü avisa dertan la gran mëssa de **cösta domëgna ai 6 de merz ales 10:00**.

Preparaziun al Bato: La Uniun dles Ères dla valada enviëia düc i geniturs co á en viadú da bacé, totes y toc, ala Preparaziun al Bato. Ara sará **en sabeda ai 12 de merz** ales 15:00, te salf de calogna d'La Ila. Al é da s'anunzié al 334 3200396.

KVV Senioreclub: En dedemesaledema ai 9 de merz peiun ia **ales 14:00 con le bus dal Cone demez, por jí a Trens**. Enló gnarál perié Les Staziuns. Al é da s'anunzié pa Lidia al 339 7899107.

Scora de Musiga: Les iscriziuns ala Scora de Musiga vën eniann fates por le pröm iade online, dai 1 ai 31 de merz, tres le sorvisc dl'aministraziun provinciala "myCivis" <https://civis.bz.it/einschreibung-musikschule>. L'azes al sorvisc pón fá tres SPID, CIE (cherta d'identité eletronica) o con la "Cherta dai sorvisc" ativada. Enformaziuns sön www.musikschule.it o te secretariat dla Scora de musiga al **0471 847748**.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: **Signor Klaus Sottsas**
E-Mail: ksottsas@rolmail.net

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA

www.unitepastorala.org

Ann C

**06.03.2022 - Pröma Domëgna de Carsëma
Domëgna dla Dlijia te ciasa**

nr. 15

La tontaziun tal desert... vá ennant ince encö

Dal Vagnele dô San Luca 6, 39-45

Te chël tomp ¹â Gejú, emplí dal Spirit Sant, lascé le raiun dal lórdann, y é gnü condüt dal Spirit por caranta dis encërch tal desert, ²olach'al é gnü tonté dal malan. Al n'â mangé por döt le tomp nia, mo canche i caranta dis ea passês, âl fan. ³Danló ti á le malan dit: Sce t'es le Fi de Dio, spo dí che cösta pera dontes pan. ⁴Gejú ti á rospognü: Al stá tla Scritöra: Le chestian ne vir nia mâ de pan. ⁵Danló l'á le malan condüt sön en crëp y ti á mostré t'en momont düc i rëgns dla tera. ⁶Y al ti á dit: Döta la potënza y la gloria de chisc rëgns ôi te dé; ciodich'ai m'é gnüs sorandês a me, y iu ti ai dá a chi ch'i ô. ⁷Sce te te pëtes jö dan da me y te m'adorëies, sará döt to. ⁸Gejú á rospognü: Dan dal Signur, to Dio, desste t'enslené y sorví ël su. ⁹Sön chëra l'á le malan condüt a Ierusalem, l'á motü sönsom le tëmpl y ti á dit: Sce t'es le Fi de Dio, sciürete jö da tló; ¹⁰ciodiche la Scritöra dij: Al comana sü agni da ciaré de te ¹¹y: Ai te portará sön söes mans, por che to pé ne ciumpëdi nia te na pera. ¹²Šên ti á Gejú rospognü: La Scritöra dij: Te ne dess nia mëter le Signur, to Dio, ala proa. ¹³Dô cöstes tontaziuns s'an é le malan jü demez da d'ël cina al tomp motü. **Parora dal Signur. - Lalt a te, Gejú Crist!**



I meditun le Vagnele



- Gejú vën motü dan na gran desfida, tonté dal malan caranta dis alalungia. Al vën motü ala proa da chël co ô le destó dla fedelté a Chël Bel Dio.
- I án motü man la Carsëma y i sun ince nos cherdês da superé vigne ostacul co se destanziëia da Gejú. Ince nos podun tigní bot ala tontaziun, sc'i ascutun y viun la Parora ch'al s'á dit.

I periun ensciö



Bun Gejú, tö es sté bun da te paré dales tontaziuns dal malan. Ci essi mo iu fat sc'i foss sté enló? Essi mo dé dô belo pla pröma? Tö es sté bun da ti dí de no al'avidité, ales monzenaries, por ti dí de sciö ala lereté, ala fedelté che Dio, to Pere, t'á sorandé. Te l'as ince fat por me, por nos. Iolan! Scinchesse en pü' de töa forza, de töa orenté. Che i sunse bogn, tla ora dla proa y dla dificolté, da confidé te Te, da paré zoruch vigne dejidêr co ô se destaché da to amur. *(Walter Cazzaniga, Parola Amica)*

Edema liturgica dai 06.03. ai 13.03.2022	
DOM 06. 08:30 9:30 10:00 18:00 → 19:00	Pröma domëgna de Carsëma l domëgna dla dlija te ciasa <i>s.m. a La Pli</i> corona gran mëssa por döta la ploania <i>oferta por la ploania</i> LAD dal ann por +nc' Angela Erlacher y Tone Terrabona, Stofl da Val dal ann por +nt Rungger Feghile, Hintner dal ann por +nta Rungger Maria Teresa +nt Paul Palfrader da Jung Les Staziuns les ciampans sona ete la Carsema y envieia al'oraziun te ciasa
Lön 07. 18:00	<i>Perpetua y Felizita, Reinhard</i> s.m. +nc' dal Medo - +nta Antonia Lanz Miribung DEU +nt Florian Huber Orzun por na familia
Ded 08. 19:30	<i>Jan de Dio, Georg Michael</i> corona
Dem 09. 18:00	<i>Bruno da Querfurt, Franzisca, Dominicus Savio</i> Les Staziuns
Jöb 10. 18:00	<i>I 40 martirs, Gustav, Milio</i> 10 minuc por la Pêsc - oraziun te dlija
Ven 11. 07:30 18:00	<i>Rosina, Ulrich</i> s.m. por i scolari LAD +nt Ploner Angelo dal Flô periun por la fin dla pandemia - rengraziun por la sanité Les Staziuns
Sab 12. 17:30 18:00	<i>Gregor, Beatrix</i> corona s.m. prefestia por +nt Franco Frenademez +nta Emma Mutschlechner vîs y +nc' dla Familia Frenner de Pincia ITA
DOM 13. 08:30 9:30 10:00 18:00	Secunda domëgna de Carsëma <i>ludith, Paulina, Leander</i> <i>s.m. a La Pli</i> corona gran mëssa por döta la ploania <i>oferta por la ploania</i> LAD dal ann por +nta Loise Maneschg da Ciane dal ann por +nt Josef Pescoller, Joblere +nta Emma Maneschg – püres Animes Les Staziuns

Zuspruch

AM SONNTAG

Erster Fastensonntag C

In Jesus geht Gott den umgekehrten Weg des Adam: Der Mensch will sein wie Gott – der Sohn Gottes will ganz Mensch sein und so die Erlösen, die Gott sein wollen.

Carsten Barwasser OP




GEBETSMEINUNG
DES PAPSTES FÜR

März

Wir beten für Christen, die vor bioethischen Herausforderungen stehen, dass sie weiterhin die Würde allen menschlichen Lebens durch Gebet und Handeln verteidigen.

Foto: picture alliance/CHROMORANGE | Ernst Weingartner
Foto: BuH/picture alliance/CHROMORANGE | Ernst Weingartner



Jesus aus der Nähe zu folgen, ist nicht leicht, denn die Straße, die er wählt, ist der Weg des Kreuzes.

Papst Franziskus

Pordonn: Nos n'ân nia ciamó capí daldöt to Vagnele
Nos dun pro Pere, ch'i n'ân nia ciamó capí daldöt to Vagnele.
Gnanca la realté da vignedé n'ânse ciamó capí.
Pordónesse nosta confujiun y nosta malsigurëza
canche al é da ester tû testimoni,
canche al é da conësse i sëgns de to règn,
canche al é da pordené ai atri,
canche al é da chirí punc de speranza,
canche al é da perié deboriada,
canche al é da testemonié la pasciun de Gejú Crist,
canche al é da partí nostes richëzes y nosta meseria,
canche an é arjigné da azeté le Spirit Sant,
canche al é da jí le dër tru,
canche al é da nes convertí,
canche al é da vire tal amur,
canche al é da ester somonza de
töa pesc y de töa iustizia. *(dal Nicaragua)*

Sorvisc dai Ministronc

Lönesc 07/03 (18:00h), Vëndres 11/03 (07:30h): Emma Mutschlechner, Alicia Angelica Weiss;
Dedemesaledema 09/03 (18:00h), Vëndres 11/03 (18:00h), Domëgna 13/03 (18:00h): Maja Compojer, Diana y Matthias Deval, Melanie Feichter, David y Romina Palfrader;

Sabeda 12/03 (18:00h): Jimmy Call, Elena Frenademetz, Giovanni Gnesotto, Maneschg Pire, Elias y Silvia Obojes, Mattia y Jonas Ploner;

Domëgna 13/03 (10:00h): Lisa Alberti, Anna Promberger, Armin y Simon Trebo

